

Adolygiad 2024/24 o'r Safonau Galwedigaethol Cenedlaethol ar gyfer Gwaith Chwarae

Taflen wybodaeth #3

Fel Cadeirydd Consortiwm Safonau Galwedigaethol Cenedlaethol Gwaith Chwarae'r DU, mae'n bleser gennyf ddarparu'r diweddariad interim hwn ar yr adolygiad o'r Safonau Galwedigaethol Cenedlaethol (NOS).

Mae'r sefydliadau cenedlaethol yn goruchwyllo'r adolygiad o'r NOS ac yn parhau i graffu ar waith y Grŵp Ysgrifennu NOS. Rydym yn falch o weld y drafodaeth a'r ystyriaeth ddwys sy'n cael ei rhoi i'r broses gan y Grŵp Ysgrifennu.

Hoffwn hefyd gydnabod pawb sydd wedi gwirfoddoli i fod yn rhan o'r Grŵp Cyngori ar yr NOS. Bydd eu harbenigedd yn helpu i lunio'r safonau drafft.

Mae'r daflen wybodaeth hon yn rhoi diweddariad ar y broses adolygu hyd yn hyn.

Jane Hawkshaw

Trosolwg

Mae Consortiwm NOS Gwaith Chwarae'r DU wedi gwneud cynnydd sylweddol ar ei adolygiad a hunan-ariannwyd o'r Safonau Galwedigaethol Cenedlaethol (NOS) ar gyfer gwaith chwarae. Mae'r ymdrech gydweithredol hon yn cwmpasu'r pedair gwlad – Cymru, yr Alban, Gogledd Iwerddon a Lloegr – ac fe'i cefnogir gan arbenigwyr yn y sector, Cyngorau Addysg a Hyfforddiant Gwaith Chwarae (PETC Lloegr, PETC Gogledd Iwerddon, Playwork Scotland a PETC Cymru), a rhanddeiliaid ledled y DU.

Cyflawniadau allweddol

1. Sefydlu grwpiau arbenigol

Fel rhan o'r broses adolygu rydym wedi sefydlu dau grŵp allweddol a fydd yn llywio'r broses o adolygu'r NOS.

- **Grŵp Ysgrifennu NOS:** Yn cynnwys arbenigwyr yn y sector o'r pedair gwlad, sy'n gyfrifol am ddrafftio'r NOS newydd. Mae'r grŵp hwn wedi bod yn cyfarfod yn rheolaidd ers mis Ionawr 2025 ac mae'n gyfrifol am ddrafftio'r NOS.
- **Grŵp Cyngori ar yr NOS:** Mae hwn yn gweithredu fel cyfaill beirniadol i'r Grŵp Ysgrifennu a'r Consortiwm, gan ddarparu adborth a phroses graffu gan y sector. Cyfarfu'r Grŵp Cyngori ym mis Mawrth 2025 i adolygu'r map gweithredol a bydd yn cyfarfod eto yn yr Hydref i adolygu'r NOS drafft a newidiadau i'r map gweithredol.

2. Datblygu'r map swyddogaethol

Drafftwyd map swyddogaethol i amlinellu prif bwrpas, prif swyddogaethau, a swyddogaethau lefel nesaf gwaith chwarae. Mae hyn yn rhan o'r broses o ddatblygu NOS fel y'i hamlinellir gan y Panel Safonau a Fframweithiau. Mae'r map swyddogaethol drafft wedi'i rannu gyda'r Grŵp Cyngori a rhai grwpiau eraill o randdeiliaid er mwyn cael adborth. Mae'r map swyddogaethol yn parhau i esblygu wrth i'r NOS eu hunain gael eu llunio.

Mae'r map swyddogaethol yn adlewyrchu:

- ffocws ar waith chwarae fel dull gweithred
- cydnabyddiaeth o'r ystod eang o leoliadau lle mae gwaith chwarae yn digwydd
- symleiddio'r safonau i sicrhau eu bod yn fwy cyfannol ac addas at y diben er mwyn llywio cymwysterau'r dyfodol, yn enwedig Cymwysterau Galwedigaethol yr Alban (SVQs).
- integreiddio yr Egwyddorion Gwaith Chwarae.



3. Adolygu a drafftio NOS

Cynhaliodd y Grŵp Ysgrifennu adolygiad o'r NOS presennol i lywio'r gwaith o ddatblygu NOS newydd ar gyfer gwaith chwarae. Drwy gydol y broses, mae terminoleg yn cael ei mireinio ac mae geirfa yn cael ei datblygu i sicrhau bod iaith glir, sy'n adlewyrchu gwahaniaethau mewn iaith ar draws y pedair gwlad, yn cael ei defnyddio.

Mae'r Grŵp Ysgrifennu NOS hefyd yn gweithio gyda Gwasanaethau Cymdeithasol yr Alban i sicrhau bod cysylltiadau'n cael eu gwneud rhwng yr NOS gwaith chwarae a'r NOS ar gyfer gwasanaethau cymdeithasol a gofal plant. Gall hyn gynnwys defnyddio rhai NOS o'r meysydd gwasanaethau cymdeithasol a gofal plant i gryfhau'r NOS gwaith chwarae.

4. Trefniadau llywodraethu

Cymeradwyodd y consortïwm ei gylch gorchwyl a'i Femorandwm Cyd-ddealltwriaeth. Mae'r dogfennau hyn yn dangos ymrwymiad clir gan yr aelodau i barhau â'r consortïwm ar ôl i'r adolygiad o'r NOS gael ei gwblhau er mwyn cynnig arweinyddiaeth strategol ac arbenigedd mewn perthynas ag NOS a sgiliau sector.

5. Ymgysylltu â'r sector ac adborth

Yn ogystal â chyfarfodydd y Grŵp Cyngori, rydym wedi hwyluso sesiynau gwybodaeth ar y map swyddogaethol yn y Gynhadledd Genedlaethol Gwaith Chwarae ac yn y Fforwm Gweithwyr Chwarae.

Bydd mwy o waith ymgysylltu yn cael ei wneud gyda'r Grŵp Cyngori yn ddiweddarach yn y flwyddyn cyn cyfres o gyfarfodydd rhanbarthol ar-lein i ymgynghori ar y safonau drafft.

Oherwydd lefel y manylion yn yr adolygiad hyd yma, rydym bellach yn rhagweld y bydd y digwyddiadau ymgynghori'n cael eu cynnal tua diwedd 2025/dechrau 2026.

I gael rhagor o wybodaeth am ddiben NOS, y broses gymeradwyo a Consortïwm NOS Gwaith Chwarae'r DU, darllenwch **daflen wybodaeth #1 taflen wybodaeth #2** neu anfonwch e-bost at: adolygiadnos@chwarae.cymru

